

周此山先生集

四

周此山先生集

此山先生詩集卷之九

栝蒼周權衡之

登仕郎江浙等處儒學副提舉陳旅校選
翰林直學士憲大夫知制誥同修國史歐陽玄批點

金臺

步出都門西峨峨古城壁都人紛往還翠蓋飛寶
勒旁午十二衢紅塵喧日夕中有巍然臺寒蘇生
壞甕傳云燕昭王招賢有遺跡黃金不足貴所貴
在立國所以國士心生死懷報德至今忼慨士弔
古猶感激我聞易水上燕壘有舊域山川邈蕭條
草樹帶古色孤臺久傾頽日暮少過客何當稅征

車携酒一登陟

葡萄酒

翠虬天矯飛不去。領下明珠脫寒露。纍纍千斛晝
夜春列甕。滿浸秋泉紅。數宵醞月清光轉。穠腴芳
髓蒸霞暖。酒成快瀉。官壺香春風吹凍。玻瓈光甘
逾瑞露。濃欺乳麴生風味。難通譜。縱教典却鸛鷀
裘。不將一斗博涼州。

有懷

昇食難登苜蓿盤。藿鹽滋味咲儒酸。白雲望斷親
闈遠。紅葉吟殘客路寒。心事蹉跎忙裏過。人情翻
覆靜中看。何如歸去蒼山下。閑聽松風煮月團。

子昂學士為余作此山二字并作詩見
畀其詩云青青雲外山炯炯松下石
此山中人風神照松色又云爽氣在襟
袖清風拂絲桐悠然適天趣宴坐心融
融書此以謝

一丘合老漁樵席詩聲誤落燕臺側
魚緣得見玉堂人面帶九霄風露色
夜光爛爛明月章惠然墮我山雲旁
臨風諷詠松色句草木往往回春光
松根老屋此山字娟娟寶墨浮寒翠
行人屋外屢徘徊日落山空有虹氣
晨窓夢覺秋意清三盞菊露呼陶泓
一襟感激浩難寫萬古不盡山青青

次韻孫子野

山川已入史遷筆。鄉里還從馬少游。萬里乾坤双短鬢。五湖風月一扁舟。飄零末路誰青眼。歸去滄洲愧白鷗。有地可畊書可讀。生涯此外復何求。

夏日訪黃府尹席上次黃德厚韻

畏途湯湯正煩熱。故人一見忙解榻。竹根凍綆汲寒泉。一室空明意清豁。夜涼華月流素光。忻然狎客飛瓊觴。千篇已羨奴島可。五詠未許餘山玉。綺筵秩秩羅珍具。蔗漿盃冷芙蓉露。浩歌夜久興徘徊。殘蟾西沒斜河曙。

軍中樂

甲光半夜開金鱗旄頭射落天邊雲征鼙聲冷沙
塞月朔風馬上驅妖氛歸來大幕宴平楚貔貅列
甕燔豹鬻虎皮裹戈馬在牧將軍好武亦好文詩
成頃刻手自寫草書敏妙疑通神文鋒快劒斫長
陣筆力巨弩回千鈞酒酣作樂兩耳熱對客談笑
如春溫笑予早亦學書劒一鏡白髮俄紛紛袖中
空有清河頌願借綵筆揮寫呈吾君

馮潛夫歸蜀有作歌以相其行者因借
韻為餞

霜橫空兮氣凝肅風驚沙兮聲簌簌送遊子兮西

還膏吾車兮渡瀘曲子之家兮岷峨西行萬里兮
貞惠卜蜀道難兮猿攀緣峽水怒兮龍噴薄碩萬
鍾兮馬求安一瓢兮自樂田寬閑兮澗阿山窈深
兮盤谷釣清溪兮友吾鷗歌白石兮飯吾犢食無
魚兮不如歸反屠羊兮分自足羌歲年兮遲暮念
衆芳兮搖落嗟聚散兮須臾將氣誼兮永託歌擊
節兮盡懽屬離觴兮更酌渺予懷兮何言遡孤雲
兮寥廓

長城

長城峨峨起洮水盤踞蜿蜒九千里朔雲浩浩天
茫茫悲笳落日腥風起猶傳鬼哭風雨夕知是當

時苦苛役征人白骨掩寒沙化作年年春草碧祖
龍為謀真過計自成限域非天意力窮城杵怨聲
沉禍起蕭牆險難恃豈知一朝貔虎來關東咸陽
宮殿三月紅

吳僧能詩自號心聽必欲求證為著轉
語莊子至人之息以踵衆人之息以喉

吾聞至人踵息不以喉師今心聽欲廢耳師能借
聽役以心心我都忘聽何起說空已是自纏縛只
此了然皆具足不如無聽亦無心渴則飲茶飢食
粥

次韻羅濟之

浪說騎鯨汗漫遊。客寒未辦鷓鴣裘。征鴻影裏三更月。落木聲中萬里秋。高下樓臺歌吹海。往來冠蓋帝王州。觀光要適平生志。莫嘆周南久滯留。

懷歸

携琴兩載泊京華。饋鯉無人鴈不過。客路重陽歸未得。吾廬三迳近如何。白雲日望關心久。明月天涯歸夢多。寄語北山堂下鶴。一竿分合老漁蓑。

次韻張山民東歸

美人歲寒姿。眉宇得秀色。洋洋泗水濱。晤言我心懌。歲晚各天涯。彼此念行役。孤妍出衆醜。浩歌起群寂。駕言欲行邁。別酒滿尊碧。惟茲仲冬月。微陽

肇春律雲霄唳歸鴻晴川照行客邈焉有幽期願
子如金石何以慰所懷梅花滿南國

岱岳

嶢嶢拔地起危峰不許龜蒙聳大東半夜赤光低
海日九霄寒翠落天風盪磨雲氣風雷近鎮壓坤
維氣勢雄可怪客帆留不住辦香無路謁靈宮

余昔年邂逅登山東廬長卿之門遂聯
轡遊

京師真所謂傾蓋如故者也別六年重
過其廬則已為它人屠沽肆矣曰詰隣
翁乃知以窮徙他所遂往訪之繾綣話

舊日成短歌以勉之

君才英妙如終童豪氣傲元山之東觀光曾共遊
京國重來風雨壯舊宅休言煮字不療飢煮愁那
得愁熟時王家紙尾一驚五十萬盧君骨中撐腸
五千卷讀書寫字雖兩途時來喝采皆梟盧丈夫
窮達固難必誰肯低頭老蓬華不妨起舞夜聞鷄
趙堯何止居刀筆

次韻白石菴

空山白石何嶙峋石根有水流蒼雲岩花泫露亂
初日野鳥咬戛青林春飛樓隱隱出林杪閉門芝
朮生竒芬道人宴坐百念寂睨視外物皆浮塵吾

觀萬法了一電何暇究竟追途津欣然默會如有
得起試鳳餅燃枯薪拍闌一咲碧霞外清風為我
吹囂氛聽師清談洗淨業睠我皓首窮玄文忽驚
秀句寫山色紫翠滿几爭披紛松聲一壑不可和
試携綠綺當晴曛

呈袁伯長學士

直廬高寒插穹窿日高槐翠深重重仙人傲兀瀛
興蓬紫霞飛佩裳芙蓉澄澄秋水炯兩瞳崢嶸氣
挾太華峰氷懸雪跨磊隗骨直攀斗柄擲天漿手
提文印六一翁姓字往往傳兒童銀河倒瀉淬筆
鋒清文五緯麗太空講論六籍恢深洪皇猷黼黻

天開容老予賓客曾登龍仄觀禮樂拜下風賦歸
偃卧蒼山中十年雲樹吟江東重尋故武來觀光
辨香銜袖懷忡忡苦吟依舊號秋蟲黑貂弊盡心
徒雄遺音誰取爨下桐散櫟濩落甘長終公司文
苑聲赫隆芒端寒燠參化工庇寒更願蘇瘵恫勿
負四海斯文宗

寄趙秋水提點清齋

神仙謫世自竒絕誤讀黃庭俱浪說銀潢秋水洗
精神絳雪玄霜老風骨寰區腥腐那敢供若木可
攀芝可掇有時宴坐意逍遙萬象達觀無起滅我
慚短帽老京塵憶曾携酒都門別玉書燁燁青霞

囊直上仙都錦佩玦天風吹老碧蓮秋高嘯昇湖
峰頂月白雲來去本無心老鶴孤騫瀛海闊揭來
十載喜重逢咲我紅塵早華髮蒼精含景紫芒寒
落塵玄談洒松雪蓬萊茗盃和香啜芙蓉露冷秋
雲滑

次韻馮仲遠聽隣舟孟監州琵琶

江州司馬真愁絕潯陽夜醉黃蘆月琵琶撥動兒
女情淚濕青衫寫淒切漢東傑客老監州雲夢胷
中吐竒崛春風斗酒忽邂逅暮雨扁舟談激烈酒
酣古調手自傳鷗絃撼動龍香撥抑揚按節氣雄
放清度回飈激林樾迢迢訴盡出關情漢宮往事

孤鴻滅黃雲。萬里絕音塵。馬上誰能記。嗚咽新聲。
洗盡鬱輪袍。清和扣舷歌。間發曲終一咲。兩茫然。
江水泠泠滿襟雪。

來雲僧舍

聯雲開佛屋。接竹引岩泉。路滑迷霜葉。鐘寒閣曙。
烟。有為皆是幻。無想總成禪。夢覺僧簷雨。重來又。
十年。

次韻錢濟川

輓艤東風棹。相逢漢水濱。一尊東峴酒。萬里北歸。
人。柳拂官河曉。花明驛路春。明朝又山岳。悵別謾。
勞神。

次韻汪德華

寂寞山陽市相歡把酒卮江湖千里客風月一囊
詩渡晚歸人少沙寒落鴈遲明朝淮水隔何處寄
相思

沈雲趣

逃名蕭散客結屋跨雲根風月供千首輒坤寄一
尊孤鐘臨水寺長笛落梅村讀易筠窓下超然隔
世喧多奇句

次韻吳子善講學來雲僧舍

筆畊還有硯為田分得僧雲半榻眠徇道不妨貧
是病忘言自愛默成禪文章信手窺天巧塗抹何